



周秦名字解故附錄

昌平王萱齡學

辛巳秋讀 伯申先生周秦名字解故一書究聲音之  
統貫察訓詁之會通有裨經學良非淺鮮後附三十一  
事以爲古訓不可周知姑闕所疑以俟達者輒爲疏通  
證明其間穿鑿傳會在所不免雖違蓋闕之義聊爲獻  
疑之請仍復就正 先生用備采取焉爾

晉士薦字子輿

案釋草其萌蘗蒹葭華榮注蒹亦華之貌錢詹事大  
昕以釋詁權輿始也卽其萌蘗蒹葭爲竹之始生輿卽  
蒹之假借爲卽蘗字張衡思元賦天地網緼百卉含蘗

俱有始義故爲字子輿又說文爲草也大戴禮誥志百草權輿

齊雍人易牙字巫

古牙𠄎字多互訛𠄎卽互字易有互體李氏易解俱作牙體輟耕錄互郎主互市今謂之牙郎考工記輪人爲輪牙也者以爲固抱也亦取交互義今按易牙應作易𠄎以易有𠄎體簪人掌三易五曰巫易世本巫咸作筮故易𠄎字巫又牙巫亦雙聲字

宋公子目夷字子魚

魚古通吾列子黃帝篇姬魚語女注姬讀如居魚讀如

吾晉語暇豫之吾吾注吾讀如魚河渠書功無已時兮吾山平徐廣曰東郡東阿有魚山晉侯名夷吾管仲名夷吾夷吾切音魚必古有此語漢書匈奴傳北橋余吾後漢書西域傳伊吾膏腴之地余吾伊吾皆夷吾也晉寺人披字伯楚一名勃鞞

說文旁持曰披禮記檀弓注披柩行夾引棺者疏設之于旁所以備傾虧也夏官司馬作六軍之士執披疏披者車兩旁使人持之則旁持俱有披義說文引孟氏易恒上六櫓恒櫓柱石也古用木卽礎潤而雨之礎楚亦有旁分義故河自濟出爲澗若乃勃鞞之爲披猶壽夢

之爲乘終葵之爲椎古切音卽西域二合也

秦西術字乞

宋西鉏吾亦以西爲氏

說文气雲也借爲乞假于人之气又省作乞然則乞卽气也術古通遂廣韻遂進也達也詩莫遂莫達雲气蒸進所謂觸石而出扶寸而合不崇朝而遍兩天下也記曰蛾子時術亦謂進進不已也

楚薦艾獵字叔敖

詩車攻傳田者大艾草以爲防或謂田爲艾獵歟詩車攻又曰搏獸于敖敖鄭地或隣于楚歟說文敖出游也或取諸游獵歟又按艾獵古切音傲釋言獵虐也疊韻

而書剛而無虐簡而無傲相韻古人命名多取惡字以爲戒讒鼎薑名皆此類也然則敖也其卽傲歟其卽艾獵之切音而非字歟楚人多以敖命名其在君也有若敖曰熊儀有霄敖曰熊坎堵敖曰熊羆邾敖曰麇疑俱非名字相配王逸注楚辭謂楚人謂未成君而死爲敖更不再見杜注左傳莫敖官名按莫敖切音髦釋言髦官也楚屈瑕屈重屈建屈到屈生皆爲之亦與名不配鄭公子魚臣字僕叔

魚氏也詩并其臣僕謙爲賤者之稱禮運仕于公曰臣仕于家曰僕

楚公子貞字子囊

易九家注坤為囊利牝馬之貞安貞吉利永貞故貞字子囊

楚文之無畏字子舟

畏古通隈考工記夫角之中恒當弓之畏畏也者必撓注畏謂弓淵畏讀如秦師入隈之隈大射儀大射正執弓以袂順左右隈注隈弓淵按釋訓隩隈隩通作隅無隈猶無隅也楚辭天問隅隈多有誰知其數老子大方無隅考工記斲人為斲欲其孫而弧深又云斲欲弧而無折無弧深無折即無畏也斲古祇作舟

宋樂轡字子蕩

郊時牲曰滌蕩其聲注滌蕩猶搖動也蕩者盪之假借字轡有搖動義左傳錫鑾和鈴鸞設衡和設軾今俗謂之鈴盪亦取其搖動也楚蕩罷亦字子蕩罷轡雙聲

楚屈到字子夕

說文到至也至鳥下來也夕莫也𠂔从鳥在窗夕陽在西故到字夕易乾九三夕惕虞氏曰居離日之終終日為夕俗云一天到晚一日到夜

楚觀從字子玉

玉藻習容觀玉聲岳本作習容句觀玉聲句注玉佩集

韻璫瑤佩玉聲也說文從隨行也萱齡按行必佩玉璫瑤疑祇作從容故觀從字子玉

鄭印癸字子柳

說文柳從木卯聲卯古文酉段氏玉裁注引海寧錢馥字廣伯說曰古多假柳為酉如鄭印癸字子柳柳即酉名癸字酉也仲尼弟子列傳顏幸字子柳柳亦即酉幸者辛之譌也

晉楊食我字伯石

段氏說文注曰食亼米也从亼亼集也集衆米而成食也石字或借為碩大字或借為秬字月令鈞衡石律

歷志四鈞為石秬百二十斤也稻一秬為粟二十斗禾

黍一秬為粟十六斗大半斗故食我字伯石食我字見

詩龔氏自珍曰楊食疑羊舌之假借字即羊舌氏也萱齡案如龔說則我亦為礪字之省文說文礪石巖也集韻音我郭璞江賦陽侯破礪以岸起

衛公孫彌牟字子之

續漢書禮儀志仲夏以朱索連葷菜彌牟朴蟲正字通引郝氏敬云彌牟禦止塗抹之義子之疑子止之譌篆文出止相似齊慶舍字子止亦譌子之見解故上卷

齊顏涿聚字庚

周禮故書衣接櫝之材鄭司農讀為盪柳後鄭云柳之

言聚也引書分命和仲度西曰柳穀漢書律歷志歛更于庚歛聚也說文庚位西方故涿聚字庚涿聚濁鄒讎由俱聚之雙聲字也

魯毋雍字仲弓

雍和也攷工記弓人爲弓均者參謂之九和又弓與宮古俱讀窮說文弓窮也宮从宀躬省聲論語直躬又作直弓詩雍雍在宮

魯澹臺滅明字子羽

滅明雙聲字故艘蔑字然明離爲明爲暈故公子暈字羽明亦字羽

魯顏幸字子柳

見鄭印癸字子柳下

公祖句茲字子之

月令句者畢出說文茲艸木多益也之出也象艸過中枝莖益大有所之一者地也故句茲字子之

秦祖字子南

白虎通南方任方也萱齡按任妊通南方妊養萬物亦肇祖元胎義

魯縣成字子祺

釋言曰祺祥也詩維周之祺說文祥福也詩福履成之

萱齡按祺期幾稔古俱通用書云平秩西成古者謂禾熟爲一期論語舊穀旣沒新穀旣升期可已矣詩曰如幾如式傳幾期也說文稔復其時也唐書曰稔三百有六旬成歲故成字子祺應作此稔字後人以其不經見而作祺

魯公西箴字子上

說文黧雖皙而黑也皙者人色白也古人名黧字皙段氏玉裁注黧專謂人面萱齡按人之一身莫上于面黧皙俱見于面故俱字子上蓋以其面名之左傳哀公十三年肉食者無墨注墨氣色下明黧異于墨也

魯孔忠字子蔑

說文忠敬也廣韻韻會引說文蔑勞也从苜从戌人勞則蔑然也段氏玉裁云戌人最勞者苜目無精也通作昧萱齡按梓材亦厥君先敬勞肆徂厥敬勞敬勞二字連文故忠字子蔑

魯孔白字子上

見公西黧字子上

魯孔箕字子京

古箕芘同字故箕子孟喜易作芘滋史記曰箕萬物方芘滋孫子算經十京爲芘芘京俱大也



魯孔檻字子直

檻不見字書疑概之俗字月令正權概直亦正也又疑與闔同用木曰闔直者植之省衆經音義引三倉云戶旁柱曰植

魯孔傲字子家

說文傲倨也家居也傲家音相近

燕周豎字子家

豎漢書儒林傳作醜

醜豎雙聲字醜類也爾雅牖戶之間謂之展其內謂之家方以類聚君子以類族辨物故醜字子家坤西南得朋乃以類行女子在家與離兌爲類

淳于光羽字子棗

羽漢書儒林傳作虞

羽虞音相近律歷志羽字也物聚藏字覆之說文羽鳥長毛也亦有嫗覆義棗覆也从入桀古文甞从几段氏玉裁云加其上曰棗人棗車是其一端也入者覆之意也凭几者亦覆其上光羽乃廣覆之意

趙李緜字牧

緜不見字書乃榭之譌字禮運鳳皇騏驎皆在郊榭天官藪牧養蕃鳥獸榭藪同字故榭字牧

勅授文林郎晉奉直大夫知山西定襄縣浙江景寧縣事  
樹藩王君墓志

賜進士出身

誥授通奉大夫安徽布政使司布政使前吏科掌印給事  
中戶科給事中掌陝西道監察御史翰林院編修充國  
史館纂修庚午四川鄉試主考官甲戌會試同考官丙子  
順天鄉試丁丑會試內監試官巡視中城東城巡視江南  
漕務楚南陶澍撰文

賜進士及第翰林院編修充國史館協修丁丑會試同  
考官定安張岳崧書丹

賜進士及第翰林院修撰文淵閣校理文穎館纂修癸酉  
順天鄉試同考官教習庶吉士欵洪瑩篆額

君諱之屏字憲侯號樹藩順天昌平人始祖朝相本江西  
贛人明景泰時禮部員外郎高祖應科昌平獻陵衛指揮  
因家焉曾祖正麻祖成棟父綽世業農有隱德君嗜學姿  
履端篤中乾隆丁酉科舉人丁未以大挑分發山西縣令  
歷權鄉寧平陸五寨永和崞縣忻州州縣事所至有政聲  
時甘肅用兵公轉饗稽察險易以軍功晉三級癸丑授定  
襄令潔已奉公有羔羊之美無申棠之欲先是故前令虧  
公帑巨萬大吏籌彌補苦無策君授代凡十有二年廉俸

悉歸官以故襄稟藏無銖豪闕而君食貧服窶如下士嘉  
慶丁巳君于役蒲州值夏旱民病之或曰官來卽雨走相  
語眇君甚君旋果雨襄人歌曰官之蒲倚我閭如望歲兮  
歲復何如官來雨膏我黍黍與與兮孝養父母辛酉六月  
霖雨滄池泛溢泰戲山迤邐而南七州縣咸患水伯玉亭  
中丞檄所屬振稟撫卹之君不辭勞勩諸被災田廬舍戶  
口數目皆躬自履勘不書吏假全活甚夥以報核眈它屬  
稍遲中丞恚幾拜白簡比至覈文冊不濫不漏井然具條  
理中丞廉其故諸數目皆目覩手記必以實無飾冒則大  
喜數稱良吏詢君嗣萱齡招讀書門下君奉母張太宜人

至孝邑人士化之尤加意學校延名宿主講書院邑之秀者飲食教誨多所成就如嘉慶己巳進士四川縣令牛書田己巳庶吉士改雲南羅次令今遷平彝令郭安齡丁丑進士戶部主事李鎔經庚辰進士禮部主事侯親賢等皆出君門甲子君以母憂去官邑人士如嬰兒之失母比服除授浙江景寧令庚午卒於官癸酉君嗣萱齡扶櫬歸葬於昌平城東祖塋君生於乾隆戊辰年十月初七日丑時卒於嘉慶庚午年九月二十三日寅時壽六十有三配武孺人繼配武孺人例晉宜人俱合葬子一萱齡道光辛巳恩科副榜現充 實錄館膳錄銘曰遂迺學字迺昨孝

迺慈孝慈爲循良蚩鼠黑蜮毋駭與惶翹與秀或桷且杗弗竟厥長有穀兮貽臧松楸韋兮佳臧昌平曰昌



